

善

510.87

12-1

11



63282

重刊孫真人備急千金要方卷之九 傷寒方

傷寒例第一



論曰易稱天地變化各正性命然則變化之迹無方性命之功難測故有炎涼寒燠風雨晦冥水旱妖災虫蝗恠異四時八節種種施化不同七十二候日月運行各別終其畧度方得成年是謂歲功畢矣天地尚且如然在人安可無事故人生天地之間命有遭際時有否泰吉凶悔吝苦樂安危喜怒憂懼存亡憂畏關心之慮日有千條謀身之道時生萬計乃度一日是故天無一歲不寒暑人無一日不憂喜故有天行瘟疫病者即天地變化之一氣也斯蓋造化必然之理不得無之故聖人雖有補天立極之德而不能廢之雖不能廢之而能以道御之其次有賢人善於

攝生能知搏節與時推移亦得保全天地有斯瘴癘還以
天地所生之物以防備之命曰知方則病無所侵矣然此
病也俗人謂之橫病多不解治皆曰日滿自差以此致狂
者天下大半几始覺不佳即須救療迄至於病愈湯食競
進折其毒勢自然而差必不可令病氣自在恣意攻人拱
手待斃斯為誤矣今博採羣經以為上下兩卷廣設備擬
好養者可得詳焉

小品曰古今相傳稱傷寒為難治之疾時行瘟疫是毒病
之氣而論治者不判傷寒與時行瘟疫為異氣耳云傷寒
是雅士之辭天行瘟疫是田舍間號耳不說病之異同也
考之衆經其實殊矣所宜不同方說宜辭是以畧各說其要
經言春氣溫和夏氣暑熱秋氣清涼冬氣凜冽此四時正

氣之序也冬時嚴寒萬類深藏君子固密則不傷於寒或
觸冒之者乃爲傷寒耳其傷於四時之氣皆能爲病而以
傷寒爲毒者以其最爲殺厲之氣也中而即病名曰傷寒
不即病者其寒毒藏於肌骨中至春變爲溫病至夏變爲
暑病暑病熱極重於溫也是以辛苦之人春夏多溫病熱
病者皆由冬時觸冒寒冷之所致非時行之氣也凡時行
者是春時應暖而反大寒夏時應熱而反大冷秋時應涼
而反大熱冬時應寒而反大溫此非其時而有其氣是以
一歲之中病無長少多相似者此則時行之氣也傷寒之
病逐日深淺以施方治今世人得傷寒或始不早治或治
不去病或日數久淹困乃告師師苟依方次第而療則不
中病皆宜臨時消息制方乃有效耳

華佗曰夫傷寒始得一日在皮當摩膏火灸之即愈若不
解者二日在膚可依法針服解肌散發汗汗出即愈即不
解至三日在肌復一發汗即愈若不解者止勿復發汗也
至四日在胃宜服藜蘆圓微吐之則愈若病困藜蘆圓不
能吐者服小豆瓜蒂散吐之則愈也視病尚未醒醒者復
一法針之五日在腹六日入胃入胃乃可下也若熱毒在
外未入於胃而先下之者其熱乘虛入胃即爛胃也然熱
入胃須要下去之不可留於胃中也胃若實熱為病三死
一生皆不愈胃虛熱入爛胃也其熱微者赤斑出此候五
死一生劇者黑斑出者此候十死一生但論人有強弱病
有難易得效相倍也得病無熱但狂言煩躁不安精彩言
語不與人相主當者勿以火迫之但以猪苓散一方寸匕

服之當逼與新汲水一升若二升強飲之令以指刺喉中
吐之病隨手愈若不能吐者勿強與水水停則結心下也
當更以餘藥吐之皆令相主不爾更致危矣若此病輦不
時以猪苓散吐解之者其死殆速耳亦可先以去毒物及
法針之尤佳夫飲膈實者此皆難治此則三死一生也病
者過日不以時下則熱不得泄亦胃爛斑出春夏無大吐
下秋冬無大發汗發汗法冬及始春大寒時宜服神丹圓
亦可摩膏火灸若春夏月始秋此熱月不宜火灸及
重覆宜服六物青散若崔文行度瘴散赤散香煎亦善若
無圓散及煎者但單煮柴胡數兩傷寒時行亦可服以發
汗至再三發汗不解當與湯實者轉下之其脉朝夕駛者
為澀實者朝平夕駛者非澀也轉下湯為可早與但當少

與勿令天下耳少與當數其間也諸虛煩熱者與傷寒相
似然不惡寒身不疼痛故知非傷寒也不可發汗頭不痛
脈不緊數故知非裏實不可下也如此內外皆不可攻而
強攻之必遂損竭多死難全也此虛煩但當與竹葉湯若
嘔者與橘皮湯一劑不愈為可重與也此法數用甚有效
驗傷寒後虛煩亦宜服此湯

王叔和曰夫陽盛陰虛外臺作裏病汗之則死下之則愈陽

虛陰盛外臺作裏病下之則死汗之則愈夫如是則神丹安

可以誤發甘遂何可以妄攻虛盛之治外臺作裏病表相背乎

里吉凶之機應若影響然則桂枝下咽陽盛則斃外臺作裏病

斃承氣入胃陰盛以止外臺作裏病若此陰陽虛實之交錯

其候至微發汗吐下之相反其禍至速而醫術淺狹不知

不識病者殞沒自謂其分至大令寃寃塞於冥路夭死盈於
曠野仁愛鑒此寧不傷楚夫傷寒病者起自風寒入於腠
理與精氣分爭榮衛不隔周行不通病一日至二日氣在
孔竅皮膚之間故病者頭痛惡寒腰背強重此邪氣在表
發汗則愈三日以上氣浮在上部填塞胃心故頭痛胃中
滿當吐之則愈五日以上氣沈結在藏故腹脹身重骨節
煩疼當下之則愈明當消息病之狀候不可亂投湯藥虛
其胃氣也經言脉微不可吐虛細不可下又夏月亦不可
下也此醫之太禁也脉有沈浮轉能變化或人得病數日
方以告醫雖云初覺視病已積日在身其疹瘵結成非復
發汗解肌所除當診其脉隨時形勢救解求免也不可苟
以次第爲固失其機要乃致禍矣此傷寒次第病三日以

內發汗者謂當風解衣夜卧失覆寒溫所中并時有疾疫
賊風之氣相染易為邪惡所中也至於人自飲食生冷過
多腹藏不消轉動稍難頭痛身溫其脉實大者便可吐下
之不可發汗也

陳廩立云或問得病連服湯藥發汗汗不出如之何荅曰
醫經云連發汗汗不出者死病也吾思之可蒸之如蒸中
風法熱溫之氣於外迎之不得不汗出也後以問張苗苗
云曾有人作事疲極汗出卧單簟中冷得病但苦寒倦諸
醫與圓散湯四日之內凡八過發汗汗不出苗令燒地布
枕葉蒸之即得大汗於被中就粉傅身使極燥乃起便愈
後數以此發汗汗皆出也人性自有難汗者非惟病使其
然也蒸之則無不汗出也諸病發執惡寒脉浮洪者便宜

發汗溫粉粉之勿令遇風當發汗而其人適失血及下大利則不可大汗也數少與桂枝湯使體潤藜藜汗出連日當自解也

論曰凡人有少苦似不如平常即須早道若隱忍不治冀望自差須臾之間以成固疾小兒女子益以滋甚若時氣不和當自戒謹若小有不和即須治療尋其邪由及在腠理以時早治鮮不愈者愚人忍之數日乃說邪氣入藏則難可制止雖和緩亦無能為也癰疽疔腫喉痺客忤尤其為急此自養生之要也凡作湯藥不可避晨夜時日言凶覺痛須臾即宜便治未等早晚則易愈矣服藥當如方法若縱意違師不須治之也凡傷寒多從風寒得之始表中風寒入裏則不消矣未有溫覆而當不消也凡得時氣病

五六日而渴欲飲水飲不能多不當與也所以爾者腹中
熱尚少不能消之便更爲人作病矣若至七八日大渴欲
飲水者猶當依證而與之與之勿令極意也言能飲一斗
者與五升若飲而腹滿小便澀若喘若噦不可與之忽然
大汗出者欲自愈也人得病能飲水欲愈也

凡濕病可針刺五十九穴又身之穴六百五十五其三十
十六穴多之有害七十九穴刺之爲災

論曰夫尋方學之要以救速爲貴是以養生之家須遇合
成熟藥以備倉卒之急今具之于左

辟溫第二 方三十六首 濕熱病證一條

辟疫氣令人不染溫病及傷寒 歲旦 **晉蘇濟方**

- 大黃 拾伍銖
- 白朮 拾捌銖
- 桔梗
- 蜀椒 各拾伍

桂心 拾捌銖 烏頭 陸銖

菝葜 拾貳銖

右七味 咬咀 絳袋盛 以十二月晦日中懸 沈井中人 今至
泥正月朔日 平曉出藥 置酒中 煎數沸 以棗東向戶中飲
之 暑蘇之飲 先從小起 多少自在 一人飲 一家無疫 一
家飲 一里無疫 飲藥酒 得二朝 還淨置井中 能仍歲飲
可世無病 當家內外 有井皆悉 著藥 辟温氣也。一方
有防風 壹兩

太乙流金散 辟温氣方

雄黃 參兩

雌黃 貳兩

礬石 壹兩半

鬼箭羽 壹兩

羚羊角 燒貳兩

右五味 治下篩 三角 絳袋盛 一兩 帶心前 并掛門戶上
若逢大疫之年 以月日 青布裹 一刀 圭中庭 燒之 温病

人亦燒薰之

雄黃散 辟温氣方

雄黃 伍兩

朱砂

作赤 菖蒲

鬼臼 各貳兩

右四味治下篩以塗五心額上鼻人中及耳門

預備一物拍枝散 天氣不和疾病流行方

取南向社中拍東南南枝暴令乾搗末酒服方寸匕神良

粉身散 辟温病常用方

芎藭

白芷

藁本 各等分

右三味治下篩內米粉中以粉身

秋鬼燒藥方 辟温氣

雄黃

丹砂

雌黃 各壹斤 於羊角 數千

角亦得

蕪荑

虎骨

鬼臼

鬼箭羽

野丈人

石長生

猴猪屎

馬懸蹄

各二兩

青羊脂

葛蒲

白朮

各捌兩

蜜臘

捌斤

右十六味末之以蜜臘和為圓如彈許大朝暮及夜中

戶前微火燒之

虎頭殺鬼圓

辟溫方

虎頭伍兩

朱砂

雄黃

雌黃各壹兩

鬼臼

皂莢

蕪荑

各壹兩

右七味末之以蜜臘和為圓如彈子大絳袋盛繫臂男左女右懸屋四角晦望夜半中庭燒一圓

辟溫殺鬼圓

重熏百鬼惡氣方

雄黃

雌黃

各貳兩

羶羊角

虎骨

各柒兩

龍骨

龜甲

鱧鯉甲

蝟皮 各三兩

擣雞

拾伍枚

空青

壹兩

芎藭

真珠

各五兩

東門上雞頭

壹兩

右十二味末之烱蠟二十兩并手圓如梧子正日門戶

前燒一圓帶一圓男左女右辟百惡獨宿弔喪問病各

吞一圓小豆大天陰大霧日燒一圓於戶牖前佳

雜方圓

漢建炎二年太歲在酉疫氣流行死者極衆即有

書生丁季迴從蜀青城山夾東過南陽從西市門入見患

疫癘者頗多遂於囊中出藥人各惠之一圓靈藥未沾履疾

無才瘥市中疫鬼數百餘見書生施藥志皆驚馬怖而走乃

有鬼王見書生謂有道法兼自施藥感眾死鬼等奔走若若是

遂詣書生欲求受其道法書生曰吾無道法乃囊中之藥

呈於鬼王鬼王藐藥驚惶扣頭乞命而去此方藥帶之入
山能辟虎狼蛇蟲入水能除水怪蛟蜃

雄黃

雌黃

曹青

鬼臼

真珠

丹砂

虎頭骨

桔梗

白木

女青

弓窮

白芷

鬼督郵

蕪荑

鬼箭羽

藜蘆

葛蒲

皂莢 各壹兩

右十八味末之蜜圓如彈子大銷袋盛男左女右帶之
卒中惡及時疫吞如梧子一圓燒一圓彈子戶內

亦散

碎温疫氣傷寒熱病方

藜蘆

躑躅花 各壹兩

牡丹皮

皂莢 各壹兩

附子

桂心

真珠 各陸兩

細辛

乾薑各合捌銖

右九味末之內真珠合治之分一方寸匕置絳囊中帶之男左女右着臂自隨覺有病之時便以粟米大內着鼻中又酒服一錢匕覆取汗日三服當取一過汗耳

又方

正月日取東行桑根如指長七寸以丹塗之懸門戶上又令人帶之

斷溫病令不相染著方

汲水瓶一長七寸盜著病人卧席下良

又方

以繩度所住戶中壁屈繩即斷之

治溫病不相染方

桃樹蠹屎末之水服方寸匕

又方

木鼓等八分酒漬服之妙

又方

正旦吞麻子赤小豆各二七粒又以二七粒投井中

又方

新布袋盛赤豆一升內井中二百出舉家服二七枚

又方

松葉末之酒服方寸匕日二服

又方

常以七月七日合家吞赤小豆向日吞二七枚

又方

常以七月七日男吞大豆七枚女吞小豆二十七枚

又方

神仙教人立春後有庚子日溫無罍青蘋汁合家大小並服不限多少

斷溫疫轉相染者乃至滅門延及人無收視者方

赤小豆

鬼箭羽

鬼臼

雄黃各貳兩

右五味末之以蜜和服如小豆一圓可與病人同床傳衣

治溫令不相染方

新布袋盛大豆一升內井中一宿出服七枚

治溫疫方

藥子二枚末水服之

又方

白蜜和上色朱砂粉一兩以太歲日平日大小勿食向
東方立吞服三七圓如麻子大勿令齒近之并吞赤小
豆七枚投井泉中終身勿忘此法

又方

凡時行疫癘常以月望日細坐東引桃枝煮湯浴之

治瘴氣方

蒜五子并皮碎之

豉心壹升

右二味以三歲男兒尿一升煮五六沸去滓服之良

又方

青竹茹二升以水四升煮取二升分三服

治患霧氣者心內煩悶少氣頭痛項急起則眼眩欲倒身

微熱戰掉不安時復增寒心中欲吐吐時無物方

新猪屎二升半內好酒一升攪令散以生布絞取汁更以綿濾頓服之取盡即地鋪暖卧覆蓋鋪前著火常汗出若得汗當細細去上衣勿使心寒寒即不差看汗自乾乃起慎風冷亦治瘧及風勞蠱毒

治肝府藏溫病陰陽毒頸背雙筋牽先寒後熱腰強急縮
目中生花方

桂心 壹兩

白朮

芒消

大青

梔子 各叁兩

柴胡 伍兩

石膏

生薑 各捌兩

生地黄

香豉 各壹升

石十味 呔咀水九升 煮取二升 分二服

治肝府藏溫病陰陽毒先寒後熱頸筋急牽面向目赤黃身

中直強方

玄參 壹兩

細辛 貳兩

梔子

黃芩

升麻

芒消 各叁兩

石膏 捌兩

竹葉 切伍升

車前草 暴切貳升

右九味 咀咀以水

斗半 煮竹葉車前取七升去滓下

諸藥煎至三升下芒消分三服

治心府藏溫病陰陽毒戰掉不定驚動方

大青

黃芩

梔子

知母

芒消 各叁兩

麻黃 肆兩

玄參 陸兩

石膏

生葛根 兩

生地黃 切壹升

右十味 咀咀以水九升 煮取三升 去滓下芒消分三服

治脾府藏溫病陰陽毒頭重頸直皮肉痺結核隱起方

大青

羚羊角

升麻

射干

芒消

各二兩 兩 拖子 肆兩

寒水石

五兩 玄參 捌兩

右八味 㕮咀 以水七升 煮取三升 分三服

治肺府藏溫病 陰陽毒 咳嗽 連續聲 不絕 嘔逆 方

麻黃

拖子

紫苑

大青

玄參

葛根 各參兩 桂心

甘草 各貳兩

杏仁

前胡 各肆兩 石膏 捌兩

右十一味 㕮咀 以水九升 煮取三升 分三服

治腎府藏溫病 身面如刺 腰中欲折 熱毒內傷 方

茵陳蒿

拖子

芒消 各參兩 苦參

生葛 各肆兩 生地黃

石膏 各捌兩 葱白

豉 各壹升

右九味咬咀以水九升煮取二升半下消分三服

溫風之病脉陰陽俱浮汗出體重其息必喘其形狀不仁

嘿嘿但欲眠下之者則小便難發其汗者必讖語加燒針

者則耳聾難言但吐下之則遺失便利如此疾者宜服

家湯

姜蕤

白薇

麻黃

獨活

杏仁

芍藥

甘草

青木香各貳兩

石膏參兩

右九味咬咀以水八升煮取二升去滓分三服取汗若

一寒一熱加朴消一分及大黃二兩下之如無木香可

用麝香一分小品方云姜蕤湯治冬溫及春月中國風傷

曾痞痛腰背強亦治風溫

夫蠱病與百合狐惑濕風温病鬼魅皆相類宜精察節氣其新故二氣相搏喜成此疾

傷寒膏第三方二首

治傷寒頭痛項強四肢煩疼膏方

當歸

芍藥

蜀椒

白芷

吳茱萸

附子

烏頭

葶藶

各炙二兩

右八味以醇苦酒漬之再宿以豬脂四斤煎令藥色黃絞去滓以温酒服棗核大二枚日三服取汗不知稍增可服可摩如初得傷寒一日苦頭痛背強宜摩之佳

治傷寒赤色頭痛項強賊風走風膏方

大黃

附子

細辛

乾薑

蜀椒

桂心各半兩 巴豆 伍拾枚

右七味咬咀以醇苦酒漬一宿以臘月猪脂一斤煎之調適其火三上三下藥成傷寒赤色發熱酒服梧子大一枚又以火摩身數百過兼治賊風絕良風走肌膚遊風所在摩之神效千金不傳此趙泉方也

白膏

治傷寒頭痛向火摩身體酒服如杏核一枚温覆取汗摩身當千過藥力乃行并治惡瘡小兒頭瘡牛領馬鞍皆治之先以鹽湯洗瘡以布拭之傅膏癰腫火灸摩千過日再自消者方

天雄

烏頭

莽草

羊躑躅 略參

右四味咬咀以苦酒二升漬一夕作東向露龜又作十二聚濕土各一升許大取成煎猪脂二斤著銅器中加

竈上炊以葦薪令釋內所漬藥炊令沸下著土聚上沸定復上如是十二過令土盡無裊藥成去滓傷寒咽喉痛含如棗核一枚日三摩時令勿近目

發汗散第四方十一首

度瘴發汗青散治傷寒救色惡寒發熱頭痛項強體疼方

麻黃參兩半 桔梗 細辛 吳茱萸

防風 白木各壹兩 烏頭 乾薑

蜀椒 桂心各壹兩陸銖

右十味治下篩溫酒服方寸匕溫覆取汗汗出止若不
得汗汗少不解復服如法若得汗足如故頭痛發熱此
為內實當服駛鼓圓若霍氏圓如得便頭重者可以二
大豆許內鼻孔中覺燥涕出一日可三四度必愈兼辟

時行病

五苓散 主時行熱病但狂言煩躁不安精彩言語不與人相主當者方

猪苓

白朮

茯苓

各拾捌銖

桂心

拾貳銖

澤瀉各拾銖

右五味治下篩水服方寸匕日二三多飲水汗出即愈

崔文行解散 治時氣不和傷寒發熱者方

桔梗

細辛

各肆兩

白朮

捌兩

烏頭

壹斤

右四味治下篩若中傷寒服錢五匕覆取汗解若不覺復小增之以知為度若時氣不和日服錢五匕辟惡氣欲省病服一服皆消服

六物青散 治傷寒救色惡寒方

附子

白朮

各壹兩

防風

細辛

各壹兩

桔梗

烏頭

各叁兩

右六味治下篩以溫酒服五匕不知稍增之服後食頃

不汗出者進溫粥一杯以發之溫覆汗漿漿可也勿令

流離勿出手足也汗出止若汗大出不止者溫粉粉之

微者不須粉不得汗者當更服之得汗而不解者當服

神丹圓方出下篇發汗圓門

青散治春傷寒頭痛發熱方

苦參

厚朴

石膏

各叁拾銖

大黃

細辛

各貳兩

麻黃

伍兩

烏頭

伍枚

右七味治下篩覺傷寒頭痛發熱以白湯半升和藥方

寸匕投湯中熟訖去滓盡服覆取汗汗出溫粉粉之良

久一服不除宜重服之或當微下利者有大黃故也

詔書發汗白薇散 治傷寒三日不解者方

白薇 拾貳銖 杏仁 貝母 略銖拾 麻黃 壹兩

右四味治下篩酒服方寸匕自覆汗出即愈

華佗赤散 治傷寒頭痛身熱腰背強引頸及風口噤瘧不

絕婦人產後中風寒經氣腹大

丹砂 拾貳銖 蜀椒 蜀漆 乾薑

細辛 黃芩 防己 桂心

茯苓 人參 沙參 桔梗

女萎 烏頭 略銖拾 雄黃 貳銖拾 吳茱萸 叁拾

麻黃 代赭 兩貳

右十八味治下篩酒服方寸匕日三耐藥者二匕覆令

汗出欲治癰先發一時所服藥二匕半以意消息之細
辛薑桂丹砂雄黃不熬餘皆熬之

麻黃湯 治傷寒頭痛項強身熱腰脊痛往來有時方

乾薑 防風 沙參 細辛

白朮 人參 蜀椒 茯苓

麻黃 黃芩 代赭 桔梗

吳茱萸各壹兩 附子貳兩

右十四味治下篩先食酒服一錢匕日三

烏頭赤散 治天行疫氣病方

烏頭壹兩 皂莢半兩 雄黃 細辛

桔梗 大黃各壹兩

右六味治下篩清酒若井華水服一匕圭日二不知

增以知為度除時氣疫病若牛馬六畜中水行疫亦許
與方寸匕人始得病一日時服一乃圭取兩大豆許吹
著兩鼻孔中

水煎散

治時行頭痛壯熱一二日方

桂心

甘草

大黃

各二兩

麻黃

肆兩

右四味治下篩患者以生熟湯浴訖以暖水服方寸匕

日三覆取汗或利便差丁強人服二方寸匕

延年秘錄有黃本方

藥各二兩古今錄驗無甘草有方藥
治天行熱病生疱瘡及痛解肌出汗

治時病表裏大熱欲死方

大黃

寒水石

芒消

石膏

升麻

麻黃

葛根

紫葛

右八味等分治下篩水服方寸匕日二

發汗湯第五
方十九首

桂枝證十一首

例曰大法春夏宜發汗凡發汗欲令手足皆周至熱熱然
一時間許益佳但不可令如水流離竅寒栗耳若病不解當
更重發汗汗出多則亡陽陽虛不可重發汗也凡服湯藥
發汗中病便止不必盡劑也凡云可發汗而無湯者真散
亦可用要以汗出為解然不及湯隨證良驗凡病無故自
汗出復發其汗愈衛復和故也

夫脈浮者病在外可發汗宜桂枝湯

夫陽脈浮大而數者亦可發汗為宜桂枝湯

病常自汗出者此為榮氣和榮氣和而外不解此為衛氣
不和也榮行脈中衛行脈外復發其汗衛和則愈宜桂枝

湯

病人藏無他病時時發熱自汗出而不愈者此衛氣不和故也先其時發汗則愈宜桂枝湯

太陽病發熱汗出者此為榮弱衛強故令汗出欲掇邪風宜桂枝湯

太陽病頭痛發熱汗出惡風寒宜桂枝湯

太陽病下之微喘者表未解也宜桂枝加厚朴杏仁湯

太陽病外證未解者不可下宜桂枝湯

太陽病先發其汗不解而下之其脈浮者不愈浮為在外而反下之故令不愈今脈浮故在外當須解其表則愈宜桂枝湯

太陽病下之氣上衝者可與桂枝湯不上衝不可與

凡桂枝本為解肌若脈浮緊發熱無汗者勿與之常知此

勿誤也

凡酒客勿與桂枝湯若服必嘔

凡服桂枝湯吐者後必吐膿血也

桂枝湯 治中風其脈陽浮而陰弱陽浮者熱自發陰弱者

汗自出漉漉惡風淅淅惡寒噦噦發熱鼻鳴乾嘔方

桂枝

芍藥

生薑

各參兩

甘草

貳兩

大棗

拾貳枚

右五味咬咀三物切薑棗棗以水七升煮棗令爛去滓

乃內諸藥水少者益之煮令微沸得二升去滓服一升

日三小兒以意減之初服少多便得汗出者小開其間

不得汗者小促其間令藥勢相及汗出自護如法特須

避風病若重宜夜服若服一劑不解病證不變者當復

服之至有不肯汗出服兩三劑乃愈服此藥食頃飲熱粥以助藥力

麻黃湯 治傷寒頭及腰痛身體骨節疼發熱惡寒无汗而喘

麻黃 參兩

桂心

甘草 各貳兩

杏仁

茶拾枚喘而不甚用伍拾枚

右四味以水九升煮麻黃減二升去沫內諸藥煮取二升半絞去滓服八合覆令汗

大青龍湯 治中風傷寒脉浮緊發熱惡寒身體疼痛汗不出煩躁方

麻黃 陸兩

桂心

甘草 各半斤

石膏 如雞子

生薑 參兩

杏仁 肆拾枚

大棗 拾貳枚

麻黃 陸兩

桂心

甘草 各半斤

石膏 如雞子

生薑 參兩

杏仁 肆拾枚

生薑 參兩

杏仁 肆拾枚

大棗 拾貳枚

右七味咬咀以水九升煮麻黃去沫乃內諸藥煮取三升分服一升厚覆當大汗止溫粉粉之即止不可再服服之則筋惕肉瞤此為逆也不汗乃再服

傷寒并陰湯

治傷寒一二日便成陰毒或服藥吐下之後

變成陽毒身重腰背痛煩悶不安狂言或走或見鬼或吐血下痢其脉浮大數面赤斑斑如錦文咽喉痛唾膿血五日可治至七日不可治宜服

升麻

甘草 各半兩 當歸

蜀椒

雄黃

桂心 各陸銖

右六味咬咀以水五升煮取二升半分三服如人行五里進一服溫覆手足毒出則汗汗出則解不解重作服

之得吐亦佳

仲景無桂心有蠶甲手大一片肘後與手金同古今錄驗有拖子陸銖蠶甲如羊言

陰毒湯 治傷寒初病一二日復結成陰毒或服藥六七日已止至十日變成陰毒身重背強腹中絞痛咽喉不利毒氣攻心心下堅強短氣不得息嘔逆唇青面黑四肢厥冷其脉沈細緊數仲景云此陰毒之候身如被打五六日可治至七日不可治也

甘草

升麻 各半兩 當歸

蜀椒 各陸銖

鱉甲 壹兩

方五味咬咀以水五升煮取二升半分三服如人行五里頃更進一服溫覆發汗毒當從汗出汗則愈若不汗則不除重作服仲景方去蜀椒

陰旦湯 治傷寒肢節疼痛內寒外熱虛煩方

芍藥

甘草 各貳兩 乾薑

黃芩 各叁兩

桂心 肆兩

大棗 拾伍枚

右六味咬咀以水一斗煮取五升去滓溫服一升日三夜再服令小汗

傷寒湯 治傷寒中風脉浮發熱往來汗出惡風頭項強鼻鳴乾嘔桂枝湯主之隨病加減如左

以泉水一斗煮取四升分服一升日三自汗者去桂枝加附子一枚渴者去桂加栝蒌二兩利者去芍藥桂加乾薑三兩附子壹枚炮心下悸者去芍藥加茯苓四兩虛勞裏急正陽旦主之前煎得二升內膠飴半斤為再服若脉浮緊發熱者不可與之

六物解肌湯 治傷寒發熱身體疼痛方

葛根 肆兩

茯苓 叁兩

麻黃

牡蠣

生薑 各二兩 甘草 壹兩

一右六味咬咀以水八升煮取三升分三服再服後得汗

汗通即止 古今錄驗無生薑甘草

解肌湯 治傷寒溫病方

葛根 肆兩 麻黃 叁兩 黃芩 芍藥

甘草 各二兩 大棗 拾貳枚

右六味咬咀水一斗煮取三升飲一升日三服三四日

不解脉浮者宜重服發汗脉沈實者宜以馱豉圓下之

延年秘錄有桂心壹兩

治傷寒時氣溫疫疼痛壯熱脉盛始得一二日者方

丹砂壹兩末之以水一斗煮取一升頓服之覆取汗

治疫氣傷寒三日已前不解者方

好豉壹升

葱白切壹升

小男兒尿叁升

右三味先熬豉葱令相得則投小便煮取二升分再服徐徐服之覆令汗神驗

解肌升麻湯

治時氣三四日不解方

升麻

芍藥

石膏

麻黃

甘草各壹兩

杏仁叁拾枚

貝齒叁枚一依貝

右七味咬咀以水三升煮取一升盡服溫覆發汗便愈

寫龍膽湯

治傷寒三四日不羸身體煩毒而執方

寫龍根捌兩

龍膽

大青各半兩

升麻

石膏

萎蕤各壹兩

甘草

桂心

芍藥

黃芩

麻黃各貳兩

生薑叁兩

右十二味咬咀以水一斗煮寫龍根取八升內餘藥煮取

三升分四服日三夜一

治傷寒四五日頭痛壯熱四肢煩疼不得飲食方

梔子仁

黃連

黃蘗

大黃

各半

好豉壹升

葱白柒壺

右六味咬咀以水八升煮上四物六七沸內後葱白豉
煮得三升頓服一升日三服湯訖溫覆令汗出粉之得
汗便止後服勿復取汗不得汗者復服重發此藥無忌
特宜老小神良

治夏月傷寒四肢煩疼發熱其人喜煩嘔逆

支滿劇如禍祟寒熱相搏故今喜煩

黃連

茯苓

黃芩

各拾

芍藥

葛根各壹

甘草壹兩

小麥

各拾

右各咬咀以水七升煮取三升冷分三服不能一升者
可稍稍服之湯勢安乃卧藥主毒氣服湯之後胃中熱
及咽喉痛皆差其明日復煮一劑如法服之此湯無毒
但除熱下氣安病人小兒服若取三分之一以水四升
煮得二升稍稍服

三白湯治傷寒中風得之二三日至七八日不解胃脅痛四
肢逆乾嘔水漿不下腹中宿食未消重下血一日數十
行方

茯苓如雞子大

黃芩

人參各參兩

栝蒌根肆兩

芒消

乾地黄各壹斤

大黃

麻黃

寒水石各半斤

右九味擣篩令相得以散三方寸匕水一升煮令三沸

絞去滓服之日三溫覆汗出即愈病劇與六七七

五香散湯治傷寒忽發腫或著四肢或在脅背虛腫浮如吹狀亦著頭面唇口頸項劇者偏著脚脛外如軸大而

麝香 半兩

薰陸香

雞舌香 各壹兩

沈香

青木香

麻黃

防風

獨活

秦艽

萎蕤

甘草 各貳兩

白薇

枳實 各貳兩

右十三味以水九升煮取三升分三服覆取汗後

外摩防已膏

治傷寒二日外與前藥不差脈勢仍數者陽氣猶在經絡

未入藏府方

桂枝

黃芩

甘草各二兩

升麻

葛根

生薑各三兩

芍藥陸兩

石膏捌兩

梔子貳柒枚

右九味咬咀以水九升煮取二升七分三服相去十

里夕若前兩服訖即得汗後服即停不得汗更進一服

得汗即止不得汗者明日去梔子加麻黃二兩足水二

升再依方服

杏 治傷寒方

麻黃拾斤

杏仁參斗

大黃壹斤拾貳兩如金名者

右三味咬咀以雪水五斛四斗漬麻黃於東向甕中

一三宿內大黃攪令調炊以桑新葉得一斛汁去滓復內
釜中擣杏仁內汁中復炊之可餘六七斗汁絞去滓置
銅器中又以雪水三斗合煎之攪令調得二斗四升藥
成可圓冷凝圓如彈圓有病者以三沸白湯五合研一
圓入湯中適寒溫之立汗出若不愈者復服一圓密盛
藥勿令泄氣

發汗圓第六方二首

神圓治傷寒救瀋惡寒發熱體疼者方

附子 烏頭各肆兩 人參 茯苓

半夏 酪伍 朱砂壹兩

右六味末之蜜圓以真丹為色先食服如大豆二圓生
薑湯下日三須臾進熱粥一升許重覆汗出止若不得

汗汗少不解復服如前法若得汗足應解而不解者當服桂枝湯此藥多毒執者令飲水寒者溫飲解之治瘧

先發服二圓

要畧用細辛不用人參別有射干棗大一枝夕亦圓主寒氣厥逆

參心圓

治傷寒五六日以上不解執在胃中口噤不能言

惟欲飲水為壞傷寒醫所不能治為成死人精氣已竭心下纒溫以杖發其口噤灌藥咽中藥得下則愈麥奴圓一曰黑奴圓二曰水解圓

釜底墨

竈突墨

梁上墨

麥奴

黃芩

大黃

芒消

各壹兩

麻黃 貳兩

右八味末之蜜圓如彈子大以新汲水五合研一圓破漬置水中當藥消盡服之病者渴欲飲水極意不潤非

須臾欲止復強飲能多飲為善不欲飲水當強飲之服藥
須臾當寒寒竟汗出便解若服藥日移五尺許不汗腹
服如前法不過再三服佳小麥黑勑名麥奴

宜吐第七例一首

證五條

方五首

例曰大法春宜吐凡服吐藥中病便止不必盡劑也
病如桂枝證頭不痛項不強而脈寸口浮芻中鞭滿氣上
衝喉咽不得息者此以內有久痰宜吐之

病芻上諸寒芻中鬱鬱而痛不能食欲得使人按之按之
反有涎出不利日十餘行而其入脈遲寸脈微滑者此宜
吐之吐之利即止

少陰病飲食入口即吐心中愠愠然欲吐復不能吐者宜
吐之宿食在上管宜吐之

病手足逆冷脉乍結者客氣在胃中心下滿而煩飢不能食者以病在胃中宜吐之

瓜蒂散 病如桂枝證頭不痛項不強寸脉微浮胃中痞堅氣上撞咽喉不得息者此為胃有寒也宜吐之

瓜蒂

赤小豆 各壹兩

右二味治下篩取一錢匕香豉一合熟湯七合煮作稀粥去滓取汁和散温頓服之不吐者少少加得快吐乃

止張文仲以白湯二合和服

水道散 治時氣病煩熱如火狂言妄語欲走方

甘遂 半兩

白芷 貳兩

大黃肆兩

厚朴捌兩

枳實伍枚

芒消叁分

右四味咬咀以水一斗先煮厚朴枳實取五升去滓內大黃煎取二升去滓下芒消更煎一兩沸分再服得快利止

抵覓圓下血方

水蛭

蜜蠱拾枚

桃人貳枚

大黃叁兩

右四味為末蜜和合分為四丸以水一升煮一九取七合頓服之睥時當下血不下更服

抵覓湯治同前

水蛭

蜜蠱拾枚

桃人貳枚

大黃叁兩

右四味咬咀以水五升煮取三升去滓服一升不下更服

柴胡湯方

枳實伍枚

芒消半升

大黃肆兩

甘草貳兩

右四味以水五升煮取一升去滓適寒溫分三服
如人行五里進一服取下利為度若不得利盡服之

生地黃湯

治傷寒有熱虛羸少氣心下滿胃中有宿食大

便不利方

生地黃叁斤

大黃肆兩

甘草壹兩

芒消貳合

大棗貳拾

枚

右五味合搗令相得蒸五升米下熟絞取汁分再服

大柴胡湯

治傷寒七八日不解默默心煩腹中

有乾屎讞語方

柴胡半斤

姜豉

知母

大黃

甘草各貳

人參

黃芩

芍藥各叁

生薑伍兩

半夏半升

右十味以水一斗煮取二升去滓服一升日三即下為效集驗用枳實雞枝不用芍藥

治傷寒頭痛壯熱百節疼痛方

柴胡

梔子人

芍藥

知母各肆兩升麻

黃芩

大青

杏仁各叁兩

石膏捌兩香豉壹升

右十味以水九升煮取二升七分溫二服若熱盛加大黃四兩

缺鼓圓治傷寒留飲宿食不消方

豆豉壹升

巴豆去油叁兩枚

今用貳兩枚

杏仁陸拾枚

黃芩

黃連

大黃

麻黃各肆兩

芒消

甘遂各叁兩

右九味為末以蜜和丸如大豆服一丸不得下者增之

崔氏云此黃素方

發汗吐下後第九麻黃湯七條方十七首

傷寒已解半日許復心煩熱其脈浮數者可更發汗宜桂

枝湯

凡發汗後飲水者必喘宜慎也

竹葉湯治發汗後表裏虛煩不可攻者但當與此方

竹葉貳把 半夏半升 麥門冬壹升 人參

甘草各貳兩 生薑肆兩 石膏壹斤

右七味咬咀以水一斗煮取六升去滓內粳米半升米

熟去之分服一升日二張文仲無生薑

桂枝麻黃湯服桂枝湯大汗後脈洪大者與桂枝湯若形

如瘧一日再發汗出便解者屬桂枝一麻黃一湯方

桂枝壹兩 芍藥拾陸銖 芍藥拾陸銖 芍藥拾陸銖 生薑拾陸銖

甘草

壹兩

杏仁

拾陸枚

大棗

伍枚

右七味咬咀以水五升煮麻黃并沸去沫內諸藥煮取一升適寒溫分再服取微汗而已

小青龍湯

治傷寒表未解心下有水氣乾嘔發熱而欬或

渴或利或噎或小便不利小腹滿或喘者方

桂心

麻黃

甘草

乾薑

芍藥

細辛

各二分

五味子

半夏

各半升

右八味咬咀以水一斗煮麻黃減一升去上沫內諸藥

煮取三升分三服相去十里頃復服之若渴者去半夏

加栝蒌根二兩若微利去麻黃加芫花如一雞子大熬

令赤色若噎加附子一枚若小便不利小腹滿者去麻

黃加茯苓四兩若喘去麻黃加杏仁半升數用神效

四物甘草湯 治傷寒發汗出而喘無大熱與此方

甘草 貳兩 麻黃 肆兩 石膏 半斤 杏仁 伍拾枚

右四味以水七升先煮麻黃令減一升內諸藥煎取二升分二服

梔子湯 治發汗若下後煩執習中空氣逆搶心者方

梔子 拾肆枚 香豉 肆合綿裹

右二味以水四升先煮梔子取一升半次內豉煮取一升半分二服溫進一服得快吐止後服

厚朴湯 治發汗後腹脹滿方

厚朴 半兩 人參 壹兩 甘草 貳兩 生薑 八兩 半夏 半升

右五味以水一斗煮取三升分二服

五苓湯 治太陽病發汗汗出不解其人仍發熱心下悸頭

眩身瞶動振振欲擗地方

茯苓

芍藥

生薑

各二兩

白朮

貳兩

附子

壹兩

右五味㕮咀以水八升煮取三升溫服七合

葛根黃連湯

治太陽病反下之利遂不止脈促者表未解

喘而汗出者方

葛根半斤

黃連

黃芩

各二兩

甘草

貳兩

右四味㕮咀以水八升先煮葛根減二升次內諸藥煮

取一升去滓分再服

茯苓湯

治傷寒發汗吐下後心下逆滿氣上衝胃起即頭

眩其脈沈緊發汗則動經身為振振搖者方

茯苓

肆兩

白朮

桂心

各二兩

甘草

貳兩

右四味㕮咀以水六升煮取三升去滓分三服

凡寸口脈浮關上自沈為結腎巢源作沈細
凡傷寒病發於陽而反下之熱入因作結腎

大陷腎圓治結腎病須亦彊如柔瘳狀下之即和方

大黃剉兩

芒消

杏仁

葶藶各伍合

右四味擣篩大黃葶藶餘一味別研如脂和散取如彈丸大一枚甘遂末一錢匕白蜜二合水一升煮取八合溫頓服之病乃自下如不下更服取下為效

傷寒六七日結腎執實其脈沈緊心下痛按之正堅宜大陷腎湯

太陽病重發汗而復下之不大便五六日舌上乾而渴日晡有小潮熱心腎大煩從心下至小腹堅滿痛不可近宜

大陷腎湯方

甘遂末宜錢匕 大黃陸兩切

芒消青升

右二味以水六升并煮大黃取一升去滓次內芒消一沸次內甘遂分再服一服得快利止後服

甘遂瀉心湯 傷寒中風醫反下之其人下利日數十行穀不化腹中雷鳴心下痞堅結滿乾嘔心煩不能得安師見心下痞謂病不盡復下之其痞益甚此非結熱但以胃中虛客氣上逆使然也宜治之方

甘草 肆兩

黃芩

乾薑 各參兩

黃連 壹兩

半夏 半升

大棗 拾貳枚

右六味以水一斗煮取六升去滓分服一升日三

加參參參三兩乃是

半夏瀉心湯 治傷寒發汗後胃中不和心下痞堅乾嘔食

臭脅下有水氣腹中雷鳴下痢者方

生薑 肆兩

甘草

人參

黃芩 各五兩

乾薑

黃連 各五兩

半夏 半升

大棗 拾貳枚

右八味以水一斗煮取六升去滓分服一升日三

白虎湯 治傷寒吐下後七八日不解結熱在裏表裏俱熱

時時惡風大渴舌上乾燥而煩欲飲水數升者方

石膏 壹升

知母 陸兩

甘草 貳兩

粳米 陸合

右四味以水一斗煮米熟去滓分服一升日三請

亡血及虛家不可與白虎湯若立夏後至立秋前得用

之立秋後不可服春二月尚凜冷亦不可與之與之則

嘔利腹痛

傷寒無大熱而口乾渴心煩背微惡寒宜白虎湯

傷寒脈浮發熱無汗其表不解不可與白虎湯渴欲飲水無表證宜白虎湯

若渴欲飲水口燥舌乾者亦宜白虎湯

青箱子圓治傷寒後結熱在內煩渴者方

青箱子 伍兩 黃芩 伍兩

栝蒌根 苦參 各壹兩

黃蘗 貳兩 龍膽 伍兩

梔子 貳兩 黃連 各伍兩

右八味為末蜜丸如梧桐子大先食服七丸日三不知稍加一本云錫和為丸

大青湯治傷寒熱病十日已上發汗不解及吐下後諸熱

不除及下利不止斑出皆治之方

大青 肆兩 甘草 肆兩 阿膠 各貳兩 石膏 壹斤

右四味以水八升煮取三升去滓煮取二升去滓內

阿膠今燂頓服一升日三服欲盡復作常使有餘渴者

當飲但除熱止吐下無毒

深師治勞復肘後有赤石脂參兩胡洽集驗同

治傷寒後不了了朝夕有熱如瘧狀方

知母 貳兩

麻黃

甘草

芍藥

黃芩

桂心 各壹兩

右六味哎咀以水七升煮取一升半服五合日二溫覆令微汗若心煩不得眠其人欲飲水當稍稍飲之入少胃

中和則愈

江南諸師秘仲景要方不傳

灸法

初得病或先頭痛身寒熱或瀉瀉欲守火或腰背強直面
目如飲酒狀此傷寒初得一二日但列心火灸心下二處

一處去心下一寸名巨關第一處去心下一寸名上管第一
二處去心下二三寸名胃管各灸五十壯然或人形大小不
同恐可數有異可繩度隨其長短寸數最佳取繩從心頭
骨名鳩尾頭度取臍孔中歪繩取半當繩頭名胃管又中
歪半繩更分爲二分從胃管向上度一分即是上管又上
度取一分即是巨關大人可灸五十壯小兒可二壯亦隨
其年灸之大小以意斟酌量也若病者三四日以上宜先灸
腎上一二十壯以繩度臍上盡髮際中歪繩斷去半便從
髮際入髮中灸繩頭名曰天聰又灸兩顛額又灸兩風池
又灸肝輸白壯餘處各二十壯又灸太衝二十壯神驗

重刊孫真人備急千金要方卷之九

善
 書號碼 510.87
 12-1
 1377 V.11
 著譯者 孫思邈
 書名 (重刊孫真人) 備急千金要方

號數 借期 還期

出借得

出借得

借閱者注意

- (一) 加意愛護勿失原有形狀
- (二) 損壞或遺失應照原價加倍賠償
- (三) 借閱以二星期為限期滿欲續借者須持書至館聲明但本館於必要收回時須即繳還
- (四) 逾期不歸還者應照章納金

圖書號數 善 510.87 V.11.
 圖書冊數 12-1
 登記號數 63282

